

L'ESSOR FASO KUMAKAN

SIBRIDON, UTI KALO TILE 10, SAN 1985


Peresidan ka nyögonyew

Pariti "UDPM" sekerèti zeneralni ni Mali jamana fangaso kuntigi, zeneralni Musa TARAWELE ye Shinuwa jamana lasidén, Zhu HAYIPINGI bisimila, juma, san 1985 Utì kalo tile 2 don.

Mali ni Shinuwa jamana cèkow, jekawale sira kan, ani yèlèma minnu donna Shinuwa jamana ka nafasorò walew la, ani Mali bë fèrè minnu kan, k'u jutigè gèleyako ni jakóngoko siraw kan, olu de kér'u ka nyögonye kuma kunbabaw ye.

O nyögonye kelen in kadara kónò, Luginè jamana fangaso sekerèti, Zan kùlodi JALO, n'o ye minisiri ye, min nyèsinne bë tungaran-kèw ka jekuluw ma, Luginè kókan i ko dinyè yòró bëe la, o fana bisimilara pere sidan Musa TARAWELE fè, san 1985 Utì kalo tile 5 don.

Senkòròmacèli baa-ra min tun kéra Kolonèli Jara TARAWELE fè n'o tun bëna kë sababu ye ka yèlèma don Luginè fangaso la, a ko wale minnu bor'ola, ko zeneralni Lansana KONTE tun y'a bila, kan'olu de



PERESIDAN MUSA TARAWELE NI LAGINÈ MINISIRI



PERESIDAN MUSA TARAWELE NI SHINUWA JAMANA LASIGIDEN

Shinuwa jamana bë ka dèmè nafama minnu lase Mali iziniko dòw ma ani minnu bë ka kë yiriwaliko si-ra wèrèw kan, olu fana kumaw fôra, nyögonye kènè kan, min kéra jamana fangaso sekerèti zeneralni yè na ani peresidan laadibaga lasigiden-kow sira kan.

nyèfò peresidan Musa TARAWELE ye ani ka Luginè ni Mali cèkow sinsin jekawale siratigè la.

A y'a jira ko Mali jamana nyémogòw ni Maliden tòw n'u nyögönnaw kan'u tulo jó Luginè juguw ka nyögónkòdon kumaw kòrò, minnu b'a jira ko bënbaliya bë Luginè-kaw cè sivako fan fè

ko minnu y'a nyini ka senkòròmacèli kë, k'olu ka kiriw bëna tigè Luginè sariyabolò hukumu kónò.

A nyögonye kéra baarakow minisiri Modibo KEYITA nyèna, n'o tun bë kékankow minisiri nò na, ani Tijani GISE n'o ye ye peresidan laadibaga ye, lasigiden-kow la


bana kumbènni ka fisà n'a furakèli ye

K'a ta san 1985 zuluye kalo tile fò-lé la, k'a bila Utì kalo tile 5 la, Mali kénèyakow ni hadamadenyakow minisiriko ye boleci wale kolgorin dé luncé Bamakò dugu kónò, min sen fè denmisèn haa yirika caman bolow cira, walasa k'u tanga bana suguya wòord ma, i ko soggosogoninjè, kùnfilatu sumaya, nyónin, sensagabana ni kanjabana.

A jirala ko wale kologirin in min da minèra n'a sifilièli ye Bamakò, waati kofolèn ninnu kónò, k'a bëna lase Mali jamana dugu tòw bëe kónò ko sann'o cè, bolociyòrò kérénkérènnèn w bëna dayèlè Bamakò komini 6 kinw bëe kónò, walasa Bamakò denmisèn w bëe lajèlen ka lasorò, k'u boleci, k'a ban.

Minisiri Mamadu DANBELE y'a jira ko denmisèn minnu bolow bë ci, k'elu wolosi b'a ta tile kelen na fo ka s'u san 6 ma;

ko warì min bë sara den kelen e kelen boleci la, k'o ye "CFA" dörömè 100 ye. Kuma labanna ni boleci wale kologirin in labènkun ye, n'eye bana kofolèn ninnu kumbènni ye joona, k'a d'a kan, sanço san, ni dögötörökalo jöra, finyè lankolonw cituma de ye denbanaw juguya waati ye, min sen fè denkassara barika bë bonya.



Pr. MAMADU DANBELE

"UNFM" cidenw ye Mali n'a musow kunnawolo Nèrobi



Mali musow ka jamakulutón "UNFM" jekulu dò, min nyémogóya tun bë tòn in yèrè peresidanti Madamu SO Orokiyatu SO belo, o tun taara dinyè musow ka lajèba dò la, k'a ta san 1985, zuluye kalo tile 15 la f'a tile 26, Nèrobi, Keniya jamana faamadugu kònò.

Dinyè fan tan ni naani musow ka jekuluw kelen-kelen bëe ka cidenw ye nyögón sôrô lajè in na, min tun nyémogóya bëe keniya jamana fangaso kuntigi Daniyèli Arapu MOYI bolo, n'a tun nyèsinnen bëe musow ka san 10 kèle jateminèli ma, min labilala u ye dinyè

jamana höröyalenw ka tònba "ONU" fè: u k'u cèsiri ka nyéna wolomaw b'u ni cèw cè, u ka jamana yiriwali baaraw bëe la u k'u seko damajira kè damakènyè donni na hadamadenw bëe ni nyögón cè ani hèrè ni bën ni lafiya basigili la dugukolo kan.

Musow y'a jira k'u ye gèlèyaw sôrô u ka nyinita ninnu waleyalu la, k'o sababu bô laada kôrôw la, minnu tè tinyè kôrôw ye ani kolonyalisimu ni siyawoloma ni nyènawoloma wèrèw.

O siratigè la, walasa u ka se k'u haminankow timè konyuman, musow ye wele bila gofèrènamaw bëe

ma, u ka fèerèw dabali damakènyèko sira kan baaradaw la cèw ni musow cè ani sarako damakènyèli fana la u ni nyögón cè n'o y'a sôrô u bëe bëe baara kelenw kè ani sariyaw boli li la u kan.


Mali musow kunnawolola tònsigi in kénè kan, bawo farafinna jekuluba nyémogóya dira "UNFM" cidenw ma, ka tila ka lajè yérè kintigidakanya d'u ma.

O témènen kô, Mali musow ka balikuka-

lankow nyémogó, Madamu Danbele Basata JIRE, o kéra mógo filanan ye, mógo segin na minnu ladiyara, u ka cèsiri n'u ka timinadiya walew kôsón u ka jamanaw sôrô n'u hadamadenya walew yiriwali baaraw la, tobilidibiko nafa jènsenni bë minnu na.

Filimù këmè fila nyögón jirala lajekelaw la, U taara fana duw ni forow kònò, ka t'u nyèda u balimamuso keniyakow ka baaraw kan.

"CEAO" muso kenyèrèyew ka kùnbèn



Pariti "UDPM" lakòliso kalanden fòlòw labilara

Mògò 60 minnu tun sugandira sèkisònw ni sôròdasijèkuluw hakè la, Mali maraw kònò, ka kè pariti "UDPM" lakòliso kalanden fòlòw ye, olu labilala, san 1985 Uti kalo tile 3 don, dògòkun 5 témèlen kò kalan na.

Olu ka kalan kunceli walew kéra jamana nyémogó caman ani lasigidenw nyéna, i ko Zenerali Amadu Baba JARA, pariti kow latèmèjekulu "BEC" sekeretèri zenerali dankan ni fangaso minisiri,

min nyèsinnen bëe fèerèkow ma, Jibirili JALO, "BEC" sekeretèri politiki ni fangaso minisiri, min nyèsinnen bëe izinikow ani jamana yaalalikow ma, ani Sidiki JARA n'oye Mali depiteso kuntigi ni pariti "UDPM" lakòliso nyémogó ye. Kuma o kuma for'a kalan in kunceli kènè kan, i n'a fò Sidiki JARA fè ani Jibirili JALO ni kalanden yèrèw ka mógo sugandilen fè, olu bëe nyèsinna lakòliso in kuntilemma

n'a jòyòrò de ma, tònden nyumanw labènniko sira kan, walasa olu ka pariti "UDPM" ani Mali jamana haminankow faamuya, k'u ka nyètaa baaraw b'u sira fè, cogo bëe la.

A jirala ko lakòliso in bolofaraw bëna dayèlè Mali sèkison kelen - kelen bëe hakè la, walasa pariti "UDPM" k'a sago sôrô joona ani nògóya la, tònden faamuyalen caman labènniko sira kan, ni kalanden fòlò ninnu ka dèmè ye.

Afiriki jamana minnu jèlen bë nafas sôrô jekulu kelen na n'o ye "CEAO" ye, olu muso jagokelaw n'a baarakuntigw kenyèrèye sira kan, olu ka kùnbèn fòlò baaraw daminèra Bamako, ntènèn san 1985, zuluye kalo tile 29 don.

A kùnbèn dayèlèli walew nyémogóya tun bë Janka Kaba JAKITE bolo, n'o ye Mali nafolokow ni Jagokow minisiri ye. "CEAO" Sekeretèri zenerali Dirisa KEYITA ani Pariti ni gofèrènamaw ni kenyèrèyew mógo caman tun b'a kénè kan.

A jirala ko kùnbèn in labènna Mali kòkan jagokow baarada "CMCE" ani "CEAO" ni musow ka jamakulutón "UNFM" nyémogó de fè, walasa ka musow fana jòyòrò jira, o sira kan, u ka jamanaw yiriwali n'u ka nyètaa la.

Mògò min ye kuma ta Mali musow tògòla, o kéra Mmu JAKITÉ Kaja TOGOLA ye, min ye "UNFM" kow latèmèjekulu sèbènkow nyènabòbaga ye.

"CEAO" muso kenyèrèyew ka kùnbèn in baaraw bëna lasama tile I5 hakè kònò, min sen fè, u b'u ka baaraw kècogo dontigè nyögón ye, sira bëe kan.

